



***Ndryshim/Plotësim i Rregullave për prokurim të Shërbimeve të veçanta (Konsulentët / Kontraktorët individual)***

Komisioni Rregullativ i Prokurimit Publik në pajtim me Nenin 87, paragrafin 2, nën-paragrafin 2.8 dhe të Ligjit mbi Prokurimin Publik nr. 04/L-042 , i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092, dhe në pajtim me Nenin 84 të Ligjit për Zyrtarët Publik nr. 06-L-114 nxjerr Rregullat për udhëheqjen e aktiviteteve të prokurimit për shërbime të veçanta.

**Neni 1  
Qëllimi**

1.1 Qëllimi i këtyre Rregullave është që të definohet hapat të cilët duhet të ndiqen për udhëheqjen e një procedure për sigurim të Konsulentëve / Kontraktoreve Individual për Shërbimeve të veçanta.

**Neni 2  
Termet e përdorura**

Termet e përdorura në këta Rregulla kanë të njëjtin kuptim siç përmenden në Nenin 4 (Definicionet) të Ligjit mbi Prokurimin Publik Nr 04/L-042, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092, tani e tutje “LPP”.

**Neni 3  
Informatat e përgjithshme**

3.1 Këto rregulla aplikohen vetëm për prokurimin e Shërbimeve të veçanta të cilët nuk mund të sigurohen përmes procedurave të rekrutimit sipas Ligjit për Zyrtarët Publik nr. 06-L-114. Shërbimet e veçanta të cilat nuk mund të sigurohen përmes procedurave të rekrutimit janë shërbime profesionale për të cilat Autoriteti Kontraktues ka nevojë por ëe nuk i plotëson kërkesat me stafin që e ka.

3.2 Konsulenti / Kontraktori individualë është një specialist në një fushë specifike, i angazhuar nga Autoritet Kontraktues në rolin e një këshilluesi.

3.3 Për shërbime Konsulente individuale mund të ofertojnë vetëm personat fizik nga të cilët nuk kërkohet që të kenë biznes të regjistruar por personi fizik duhet të rexhistrohet në platformë të prokurimit elektronik <https://e-prokurimi.rks-gov.net> si **EO - person fizik**.

3.4 Rregullat e përcaktuara në nenin 59 të “Rregullave dhe Udhëzuesit Operativ të Prokurimit Publik”, tani e tutje “RUOPP”, aplikohen për kontraktimin e Kompanive Konsulentë, ndërsa këto rregulla vlejnë për kontraktimin e personave siç përkufizohet në nenin 4.1.38 të LPP-se.

3.5 Kontraktimi i Konsulentëve Individual bëhet përmes procedurave të prokurimit të LPP-së, kontrate publike për shërbime me kriter të shpërblimit “Tenderi ekonomikisht më i favorshëm”. Në varësi të vlerës së parashikuar, Autoritet Kontraktues përzgjedh llojin e procedurës dhe përcakton afatet kohore për dorëzim të tenderëve siç përkufizohet në nenin 44 të LPP-së.

3.6 Kohëzgjatja e kontratave për shërbime të veçanta nuk mund të jetë më shumë se tridhjetë e gjashtë ( 36) muaj.

#### **Neni 4**

#### **Shërbime Konsulente individuale**

4.1 Procedura fillohet me publikimin e njoftimit për kontratë të përgatitur, në platformën elektronike, të përgatitur në përputhje me nenin 40 të LPP-së dhe me ngarkimin e Dosjes së tenderit të miratuar nga KRPP.

4.2 Për publikimin e njoftimit për kontratë Nenet 47.6-47.7 të RUOPP zbatohen ngjashëm.

4.3 Dosja e tenderit duhet të shkarkohet nga personat e interesuara nga platforma e prokurimit elektronik.

4.4 Për Informata sqaruese ose shtesë Nenet 47.10-47.14 të RUOPP zbatohen ngjashëm.

4.5 Hapje e tenderëve bëhet në përputhje me nenin 36 të RUOPP.

4.6 Vlerësimi i tenderëve duhet të kryhet menjëherë duke marr parasysh disa kritere, të tilla sikurse:

- i. përvoja përkatëse e këshilltarit;
- ii. cilësia e metodologjisë së propozuar;
- iii. kualifikimi; dhe/ose
- iv. transferimin e dijenisë, nëse kërkohet.

4.7 Secili kriter duhet të notohet dhe pastaj notat duhet të radhiten që të bëhen pikë. Sistemi i radhitjes duhet të përcaktohet në dosjen e tenderit.

4.8 Kriteret që duhet të përdoren për vlerësimin teknik si dhe peshat treguese janë si më poshtë. Peshat mund të rregullohen që tu përshtaten prokurimeve specifike:

<b>Kriteret</b>	<b>Pesha</b>
Përvojë specifike	20-50
Përshtatje e metodologjisë/planit të punës	20-50
Kualifikimi	20-40
Transferimi i njohurisë (opsionale)	0-10
<b>Pikët totale</b>	<b>100</b>

4.9 Piket totale do të fitohen duke bashkuar **piket teknike dhe financiare**. Notat e “kostos” duhet të përzgjidhen duke marr parasysh ndërlikueshmerinë e objektit të kontratës që duhet dhënë si dhe rëndësinë përkatëse të cilësisë. Rezultati i peshuar i propozimit financiar duhet të specifikohet në Dosje te Tenderit, dhe mund të jetë deri në 30 pikë.

4.10 Pas identifikimit të tenderit më të mirë, Zyrtari i Prokurimit, duhet që te përgatitë Formularin B58 “*Njoftimin mbi vendimin e AK*” dhe ta ngrite ne platforme te prokurimit elektronik - si dokument shtese nëpërmjet funksionit “**shtoni dokument te ri**”, pres skadimin e intervalit, *gjatë të cilit ofertuesit mund të kërkojnë shqyrtimin e vendimit*.

4.11 Dispozitat e Neneve 47.34 – 47.37 të RUOPP aplikohen në mënyrë të krahasueshme për dhënie të kontratës, nënshkrim si dhe për shpërndarjen e kontratës së nënshkruar.


## **Neni 5** **Hyrja ne fuqi**

5.1 Keto rregulla hyne ne fuqi nga data e nenshkrimit

5.2 Me hyrjen në fuqi të ketyre rregullave, shfuqizohen *Rregullat për prokurim te Shërbimeve te veçanta (Konsulentët / Kontraktorët individual)* të datës 22.09.2020.

18.11.2020

(data e nënshkrimit)



Osman Vishaj – Kryetar i KRPP-së